

SELAGI SUKARNO MEMERINTAH NEGARA INDONESIA AKAN HANCUR?

Apa yang disebutkan lebih kurang dua bulan yang lalu telah hampir-hampir berlaku. Tatkala Sukarno berada di luar negeri maka Lettenan Kolonel Ahmad Husein bersama-sama dengan Kolonel Simbolon serta orang-orang yang insaf kepada keselamatan negara Indonesia telah bangkit membawa keinsafan kepada umat Indonesia. Mereka bangkit menyeru umat Indonesia bahawa pemerintahan yang diatur mengikut kemahuan Sukarno ini hanyalah suatu pemerintahan untuk kesenangan beberapa gelintir manusia; suatu pemerintahan yang hanya menjadi alat bagi menegakkan kedudukan Sukarno sedang rakyat menderita dengan penderitaan yang hebat daripada penderitaan di zaman Belanda dahulu.

“Apakah Sukarno tidak puas dengan berfoya-foya di Amerika, kemudian berfoya-foya di Moscow dan sekarang berfoya-foya di Jepun, untuk memuaskan hawa nafsunya sedang rakyat hidup menderita, sedang keadaan negara kucar-kacir” – demikianlah kata Kolonel Dahlan Djambek.

(Oleh Wakil Khas Kita)

Ya! Benar. Saya juga telah mengatakan itu lebih dahulu. Sukarno pergi ke luar negeri “untuk berehat” sedang dalam negeri, khususnya di Pulau Jawa, rakyat lapar – sekali lagi: Lapar! Rakyat hidup di bawah jambatan, berlindung di bawah paip dan seumpamanya sedang pemimpin-pemimpin dilihat mereka berjalan dengan motokar yang besar, tertawa - berfoya-foya dengan wanita-wanita.

Keadaan ini dengan sendirinya bakal menimbulkan revolusi sosial, revolusi yang menuntut hak kemewahan rakyat, Untuk mencegah hidupnya perasaan rakyat yang berkobar-kobar ini maka Sukarno mencari suatu jalan menghidup-hidupkan masalah Irian Barat kerana dengan adanya masalah itu umat terbawa-bawa kepada perkara itu. Tetapi sampai di manakah Sukarno dapat menutup keinsafan rakyat dengan “tipuannya” itu?

Ia tahu bahawa perkara Irian Barat hanya suatu perkara yang boleh disuarakan tetapi tidak dapat dilaksanakan. Boleh dicakap tetapi tidak boleh diperjuangkan, dan dengan hidupnya anti-Belanda yang ditabur oleh komunis yang disayangi Sukarno maka akhirnya ekonomi Indonesia, khususnya di Jawa, lumpuh.

Pemimpin-pemimpin Indonesia di luar Jawa tidak dapat lagi menelan air liur mereka membiarkan perbuatan-perbuatan Sukarno yang bermaharajalela itu. “Indonesia merdeka bukan hanya oleh jasa Sukarno seorang tetapi oleh darah umat Indonesia dan tatkala merdeka maka negara Indonesia bukannya untuk Sukarno seorang tetapi untuk rakyat. Kita tidak boleh membiarkan Sukarno berbuat sesukanya, semahu-mahunya” – kata Kolonel Ahmad Husein,

tatkala memberi kata dua kepada Sukarno supaya memberikan Jemaah Menteri Juanda yang didirikannya itu diganti oleh orang-orang yang dipercayai rakyat tetapi dibenci oleh komunis iaitu bekas wakil Presiden Muhammad Hatta dan Sultan Hamengkubuwono.

Kata dua tidak diterima – maka tatkala menulis ini telah diisyiharkan bahawa Mr Syafruddin Prawiranegara dijadikan Perdana Menteri untuk membebaskan Indonesia dari cengkaman Sukarno yang berpusat di Sumatera Tengah.

Mr Syafruddin dalam masa Sukarno ditangkap Belanda di Bangka adalah menjadi Perdana Menteri Indonesia yang memperjuangkan terus kemerdekaan Indonesia – bergerak di Sumatera sehingga terikatnya perjanjian meja bulat di dalam mana kemerdekaan Indonesia diberi – yang berakhir dengan suatu istiadat penyerahan kedaulatan pada 29 Disember 1949 di Jakarta dengan Indonesia diwakili oleh Sultan Hamengkubuwono.

Adakah terjadi perperangan saudara di Indonesia?



Kiayi Abdullah al-Shaf'i sedang berpidato di Masjid

Wak Tanjung.

Jawabnya terpulang kepada Sukarno. Jika Sukarno menyerah - ertinya beralah – menaikkan Hatta menjadi Perdana Menteri ertinya peperangan saudara akan terhindar tetapi kesan yang bakal diterimanya harus orang-orang komunis akan membongkar rahsia Sukarno di bilik 8 di Moscow dahulu.

Apa ertinya jika Hatta berkuasa? Jawabnya:

Komunis akan diharamkan di Indonesia.

Di mana kedudukan Sukarno sekarang? Adakah ia akan mempertahankan peribadinya dengan mengorbankan rakyat menumpahkan darahnya sesama mereka? Adakah Sukarno beralah dan mengasingkan diri dari masyarakat Indonesia kalau cerita itu disiarkan oleh komunis? Ini juga suatu soal yang akan datang jawapannya!

Jadi soal yang dihadapi Sukarno sekarang ialah batu ujian yang besar: Adakah ia hidup kerana rakyat atau kerana diri sendiri! Hal ini akan terjawab dalam masa yang tidak berapa lama lagi.

-bersambung

-sambungan dari muka 19-

mengikatnya dan mereka juga yang merombaknya. Tetapi hak kaum perempuan pun ada pula. Kaum perempuan dikahwinkan mestilah dengan keredhaan mereka.

Dalam hal ini, yang pertama sekali dikemukakan oleh ahli-ahli tafsir ialah tentang menerangkan sifat *ri'āsah* (pengetuaan) kaum lelaki yang tiada diberikan kepada kaum perempuan, iaitu pangkat-pangkat Nabi, *khalīfah al-Muslimīn* (ketua negara), amir (ketua daerah yang terletak di bawah khalifah), mendirikan syiar-syiar agama, seperti: bang, qamat (iqamat), khutbah jumaat dan lain-lainnya. Tetapi bukanlah hal-hal itu yang menyebabkan kaum lelaki menjadi pemimpin bagi kaum perempuan.